

BERTARIKH PADA

2020

ANTARA

YAYASAN PENERAJU PENDIDIKAN BUMIPUTERA
(No. Syarikat 201101041372 (969494-X))
("Yayasan Peneraju")

DAN

Butiran calon adalah seperti yang dinyatakan di bawah Jadual 1
("Calon")

PERJANJIAN PEMBIAYAAN PENDIDIKAN PROGRAM PENERAJU PROFESIONAL

Disediakan oleh:



SUITE E1107, 11TH FLOOR, BLOCK E
PUSAT PERDAGANGAN PHILEO DAMANSARA 1
NO. 9, JALAN 16/11, OFF JALAN DAMANSARA
46350 PETALING JAYA SELANGOR DARUL EHSAN

TEL: (603) 7661 2560
FAX: (603) 7661 2561
EMAIL: general@zairulzainsyed.com.my

PERJANJIAN ini telah dimeterai pada

ANTARA:

- (1) **YAYASAN PENERAJU PENDIDIKAN BUMIPUTERA** (Nombor Syarikat 201101041372 (969494-X)), sebuah syarikat yang berdaftar di bawah Akta Syarikat, 2016 dan mempunyai alamat perniagaan di Level 15-1, Mercu UEM, Jalan Stesen Sentral 5, Kuala Lumpur Sentral, 50470 Kuala Lumpur dan alamat berdaftar di Tingkat 12, Bangunan Setia 1, 15, Jalan Dungun, Bukit Damansara, 50490 Kuala Lumpur (selepas ini dirujuk sebagai “Yayasan Peneraju”);
- (2) **CALON** (nama, nombor kad pengenalan, alamat dan butir-butir peribadi yang lain adalah seperti yang dinyatakan di Seksyen 1 Jadual 1 (selepas ini dirujuk sebagai “Calon”); dan
- (3) **PENJAMIN** (nama, nombor kad pengenalan, alamat dan butir-butir peribadi yang lain adalah seperti yang dinyatakan di Seksyen 2 Jadual 1 (selepas ini dirujuk sebagai “Penjamin”).

BAHAWASANYA:

- (A) Yayasan Peneraju telah menganjurkan satu program di mana calon-calon yang layak akan diberikan tawaran pembiayaan pendidikan untuk menjalani kursus pengajian dan pensijilan yang khusus seperti yang dinyatakan di dalam Surat Tawaran yang dilampirkan di bawah Jadual 2 Perjanjian ini (selepas ini dirujuk sebagai “Program”).
- (B) Calon ialah individu yang telah memohon kepada Yayasan Peneraju untuk menyertai Program tersebut.
- (C) Yayasan Peneraju telah bersetuju untuk memilih dan menawarkan kepada Calon, dan Calon juga bersetuju untuk dipilih dan menerima tawaran tersebut, untuk menjalani Program tersebut tertakluk kepada terma-terma dan syarat-syarat yang terkandung di dalam Perjanjian ini.
- (D) Yayasan Peneraju juga telah menawarkan tajaan pembiayaan pendidikan kepada Calon untuk menjalani Program tersebut di mana pembiayaan pendidikan tersebut merangkumi perkara-perkara seperti yang telah ditawarkan di dalam Surat Tawaran yang telah dilampirkan di bawah Jadual 2 Perjanjian ini (“Pembiayaan”).
- (E) Penjamin telah bersetuju untuk menjamin pelaksanaan oleh Calon terhadap kewajipan dan tanggungan-tanggungannya di bawah Perjanjian ini dan selanjutnya telah bersetuju untuk melepaskan tanggungan Yayasan Peneraju terhadap apa-apa kerugian yang mungkin ditanggunginya akibat dari kemungkiran oleh Calon terhadap Perjanjian ini atau mana-mana bahagian daripadanya.

ADALAH DENGAN INI DIPERSETUJUI DAN DIAKUI BAHAWA:

1. PROGRAM

- 1.1 Yayasan Peneraju telah menawarkan Pembiayaan tersebut kepada Calon di mana Calon akan menjalani Program tersebut seperti yang dinyatakan di dalam Surat Tawaran di bawah Jadual 2 Perjanjian ini.
- 1.2 Calon hendaklah menamatkan program dalam tempoh seperti yang telah ditetapkan di dalam Surat Tawaran di bawah Jadual 2 Perjanjian ini (“selepas ini dirujuk sebagai “Tempoh Program”).
- 1.3 Yayasan Peneraju mempunyai hak mutlak dan budi bicara untuk membuat keputusan dan memilih institusi pensijilan dan tempoh pengajian bagi kursus pensijilan.
- 1.4 Calon diwajibkan menjalani program Pemupukan dan Pembangunan (*Nurture and Development*) di mana-mana organisasi atau mana-mana syarikat tempatan, badan-badan pertubuhan atau institusi yang difikirkan sesuai bagi satu jangkamasa yang ditentukan oleh Yayasan Peneraju. Calon akan dikenakan tindakan (tertakluk kepada Yayasan Peneraju) sekiranya Calon gagal untuk menghadiri program Pemupukan & Pembangunan anjuran pihak Yayasan Peneraju seperti yang ditetapkan tanpa alasan kukuh dan mendapat kebenaran bertulis daripada Yayasan Peneraju.
- 1.5 Calon sedia maklum bahawa jumlah Pembiayaan yang ditawarkan seperti yang dinyatakan di Surat Tawaran di bawah Jadual 2 Perjanjian ini adalah anggaran perbelanjaan sepanjang tempoh Program. Jumlah sebenar adalah mengikut jumlah yang dikeluarkan oleh Yayasan Peneraju. Sekiranya perbelanjaan sebenar adalah kurang daripada anggaran perbelanjaan maka lebihan anggaran perbelanjaan tersebut tidak boleh digunakan untuk tujuan lain atau dituntut oleh Calon.
- 1.6 Kedua-dua Pihak bersetuju bahawa Perjanjian akan berkuatkuasa mengikut tarikh permulaan Tempoh Program ditetapkan di dalam Surat Tawaran di bawah Jadual 2 Perjanjian ini dan akan terus berkuatkuasa sehingga tamat Tempoh Program yang ditetapkan ke atas Calon kecuali berlakunya penamatan Perjanjian ini mengikut Klausula 9.
- 1.7 Kedua-dua Pihak seterusnya bersetuju tiada sebarang pembiayaan yang akan ditanggung oleh Yayasan Peneraju atau boleh dituntut oleh Calon di luar Tempoh Program.

2. SYARAT-SYARAT TAWARAN

Adalah dimaklumkan bahawa tawaran Pembiayaan untuk Program tersebut adalah tertakluk kepada syarat-syarat dan terma-terma tertentu ke atas Calon dengan memenuhi perkara-perkara seperti berikut:

- 2.1 Calon tidak terikat dengan mana-mana tajaan atau sebarang pembiayaan lain untuk kursus pensijilan Program daripada mana-mana pihak dan hanya akan menerima pembiayaan pendidikan yang ditawarkan oleh pihak Yayasan Peneraju selepas Perjanjian ini dipersetujui dan dimeterai;
- 2.2 Calon (jika diperlukan) disahkan sihat oleh pegawai perubatan hospital kerajaan/swasta serta disahkan bebas daripada penyakit berjangkit atau penyakit kronik (yang memerlukan rawatan dan penjagaan doktor). Kos untuk pemeriksaan kesihatan tidak akan ditanggung oleh Yayasan Peneraju dan Calon tidak mempunyai sebarang hak untuk menuntut pembayaran balik kos tersebut daripada Yayasan Peneraju;
- 2.3 Calon perlu memaklumkan kepada Yayasan Peneraju sekiranya menghadapi sebarang penyakit kritikal yang mungkin menyebabkan Calon tidak dapat mengikuti atau meneruskan Program tersebut;
- 2.4 Calon yang ingin melangsungkan perkahwinan semasa mengikuti Program tersebut perlu mendapatkan kebenaran bertulis daripada Yayasan Peneraju terlebih dahulu. Bagi Calon wanita yang hamil semasa Tempoh Program, Calon hendaklah mendapatkan pengesahan bertulis daripada pegawai perubatan yang diiktiraf dan memaklukkannya (dengan melampirkan sesalinan pengesahan bertulis tersebut) kepada Yayasan Peneraju selewat-lewatnya dua (2) minggu dari tarikh pengesahan bertulis tersebut;
- 2.5 Calon seterusnya bersetuju bahawa pihak Yayasan Peneraju atau wakil-wakil mereka adalah bebas untuk berkomunikasi secara terus dengan pihak Calon berkaitan sebarang urusan berhubung dengan Program atau Perjanjian ini;
- 2.6 Calon dengan ini memberi kebenaran secara penuh kepada Yayasan Peneraju untuk memperolehi dan meneliti laporan kemajuan, laporan kedatangan dan laporan prestasi Calon serta laporan keputusan peperiksaan yang telah diambil oleh Calon daripada Institusi Pensijilan;
- 2.7 Calon diwajibkan untuk menduduki dan lulus semua modul dan peperiksaan yang telah ditetapkan oleh Institusi Pensijilan dan Yayasan Peneraju;

- 2.8 Calon tidak dibenarkan untuk menangguh sebarang pengajian atau peperiksaan yang dijalankan di bawah Program tersebut tanpa sebarang sebab kecuali dengan mendapat persetujuan bertulis terlebih terdahulu daripada Yayasan Peneraju;
- 2.9 Calon dikehendaki menamatkan Kursus Pensijilan di bawah Program tersebut dalam Tempoh Program yang ditetapkan. Sekiranya Calon tidak dapat menamatkan Kursus Pensijilan dalam tempoh tersebut, atau sebelum tempoh pelanjutan yang dipersetujui oleh Yayasan Peneraju secara bertulis, Yayasan Peneraju tidak akan menaja Calon di luar tempoh tersebut;
- 2.10 Calon tidak dibenarkan membuat sebarang pertukaran Pensijilan, Institusi Pensijilan, dan/atau majikan (jika berkenaan) tanpa kebenaran pihak Yayasan Peneraju sepanjang tempoh Program tersebut. Sekiranya Calon membuat pertukaran Pensijilan, Institusi Pensijilan, dan/atau majikan tanpa kebenaran, pihak Yayasan Peneraju berhak untuk menamatkan atau menarik balik pembiayaan pendidikan ini dengan serta merta. Pihak Yayasan Peneraju tidak akan membiaya Calon sekiranya meneruskan kursus pensijilan selepas pembiayaan pendidikan diberhentikan;
- 2.11 Calon perlu memberikan tumpuan, perhatian dan kebolehan untuk tugas-tugas kursus yang diberikan, atau diharapkan daripada Calon sepanjang Program ini dan Calon tidak boleh, di dalam mana-mana keadaan, sama ada secara langsung atau tidak langsung, menjalankan apa-apa tugas lain dalam apa jua bentuk dan jenis sepanjang mengikuti Program ini tanpa pengetahuan dan kebenaran pihak Yayasan Peneraju;
- 2.12 Calon diwajibkan untuk menginap di penginapan yang disediakan oleh Institusi Pensijilan atau yang ditentukan oleh Yayasan Peneraju (jika berkenaan) sepanjang Tempoh Program;
- 2.13 Calon tidak dibenarkan untuk menangguh permulaan pekerjaan (jika berkenaan) yang ditawarkan dengan sebarang sebab kecuali dengan keadaan kesihatan Calon yang tidak mengizinkan, serta dengan persetujuan pihak Yayasan Peneraju secara bertulis;
- 2.14 Calon terikat untuk berkhidmat dan memegang jawatan yang berkaitan dengan bidang pensijilan yang diikuti, di dalam syarikat atau firma yang berkaitan;
- 2.15 Calon hendaklah menghantar dengan kadar segera sebaik sahaja menerima laporan atau keputusan semua peperiksaan/ujian dan/atau maklumat slip gaji/maklumat gaji yang diterima sepanjang Tempoh Program kepada pihak Yayasan Peneraju atau wakil mereka. Penghantaran laporan atau keputusan/ujian dan/atau maklumat slip gaji/maklumat gaji boleh turut

diarahkan oleh pihak Yayasan Peneraju secara berkala kepada Pengurus Program/majikan agar laporan atau keputusan tersebut dihantar kepada pihak Yayasan Peneraju dan dengan ini pihak Calon mengaku sedia maklum dan bersetuju dengan kandungan dalam Perjanjian Calon iaitu mengizinkan pihak Yayasan Peneraju mengeluarkan arahan secara berkala bagi mendapatkan laporan dan rujukan daripada Pengurus Program/majikan tanpa mendapatkan kebenaran lebih lanjut daripada pihak Calon sepanjang Tempoh Program atau seterusnya bagi tujuan rujukan dan pengesahan;

- 2.16 Bagi program yang melibatkan penempatan pekerjaan oleh Yayasan Peneraju, sekiranya Calon meletakkan jawatan atau menamatkan perkhidmatan dengan syarikat atau firma yang telah ditetapkan oleh Yayasan Peneraju semasa mengikuti Program tersebut, semua data atau maklumat, pendapat, duluan, perjanjian dan apa-apa surat cara atau dokumen yang dimiliki oleh syarikat atau firma yang didedahkan kepada Calon sepanjang pekerjaan dengan syarikat atau firma atau yang dihasilkan oleh Calon untuk syarikat atau firma hendaklah diserahkan dengan serta-merta kepada syarikat atau firma. Calon tidak dibenarkan untuk mengambil apa-apa data atau maklumat, pendapat, duluan, perjanjian dan apa-apa surat cara atau dokumen yang dimiliki oleh syarikat atau firma, atau mana-mana salinannya;
- 2.17 Calon berkemungkinan akan dihantar untuk menghadiri latihan atau seminar di dalam dan di luar negara, bergantung kepada keperluan. Mana-mana bahan yang diterima dalam kursus latihan atau seminar tersebut adalah menjadi hakmilik dan kepunyaan pihak Yayasan Peneraju dan hendaklah diberikan kepada pihak Yayasan Peneraju atau wakil mereka untuk disimpan sebagai rujukan. Calon juga berkemungkinan dikehendaki untuk mengadakan wacana pengetahuan yang diperolehi daripada latihan atau seminar kepada pelatih lain dalam Program ini pada bila-bila masa yang dikehendaki oleh pihak Yayasan Peneraju;
- 2.18 Calon, jika diarah, dikehendaki untuk melibatkan diri dengan program-program pemasaran bagi pihak Yayasan Peneraju dari segala aspek aktiviti pemasaran yang diambilkira oleh pihak Yayasan Peneraju untuk mempromosi Program tersebut dan membenarkan dan memberikan kuasa penuh kepada pihak Yayasan Peneraju untuk mengguna dan memiliki hak harta intelek tersebut yang berkaitan dengan aktiviti-aktiviti pemasaran seperti yang disebut di atas;
- 2.19 Calon dengan ini secara muktamad dan tanpa syarat memberi kebenaran secara penuh kepada pihak Yayasan Peneraju dan pihak-pihak yang terlibat secara langsung di dalam Program ini untuk memperolehi, meneliti, mengguna dan berkongsi sepenuhnya maklumat peribadi Calon dan data-data yang berkaitan, termasuk slip gaji/maklumat gaji yang diterima sepanjang tempoh perjanjian, laporan kemajuan, laporan kedatangan, laporan prestasi serta laporan keputusan

peperiksaan yang telah diambil oleh Calon, dengan mana-mana pihak yang berkenaan dan untuk tujuan am Program ini. Calon juga bersetuju dan rela dengan perkara di atas dan tidak akan mengambil tindakan undang-undang terhadap pihak Yayasan Peneraju atau mana-mana pihak yang terlibat secara langsung dengan Program ini di bawah mana-mana undang-undang atau undang-undang yang baru di negara ini;

- 2.20 Yayasan Peneraju berhak pada bila-bila masa tanpa memberi sebarang sebab menamatkan atau menarik balik pembiayaan, meminda syarat-syarat pembiayaan termasuk mengurangkan kadar pembiayaan;
- 2.21 Yayasan Peneraju berhak untuk menggantung, menarik balik atau memberhentikan Pembiayaan tersebut dengan serta merta atau meminta pembayaran balik jumlah kewangan (“kos penuh Program”) sekiranya Calon didapati memberi maklumat palsu atau melanggar syarat-syarat yang tersebut di atas; dan
- 2.22 Walaubagaimanapun yang dinyatakan di atas Klausula 2.20 dan 2.21, Yayasan Peneraju atas budi bicara mutlak akan memberi notis bertulis kepada Calon bagi menyatakan sebab atau alasan penarikan, penamatan atau pengurangan kadar pembiayaan.

3. TANGGUNGJAWAB CALON

- 3.1 Calon hendaklah bagi mematuhi dan akur kepada Perjanjian ini, menjalani pengajian di tempat-tempat yang ditentukan dan diarahkan oleh pihak Yayasan Peneraju dan/atau Institusi Pensijilan dan/atau majikan dari semasa ke semasa atau bagi mengikut keperluan Program dan Calon juga perlu akur kepada syarat-syarat dan peraturan-peraturan yang berkenaan yang mana dari masa ke masa akan dikuatkuasakan di mana-mana Institusi Pensijilan dan/atau majikan yang ditawarkan kepada Calon;
- 3.2 Sepanjang Tempoh Program tersebut, Calon perlulah menjaga tatasusila yang mencerminkan perwatakan yang bertanggungjawab dengan mematuhi segala arahan/peraturan seperti yang telah digariskan di bawah Perjanjian ini. Calon hendaklah berdisiplin, bersopan, berbudi bahasa, berkelakuan baik, bertatertib, mematuhi peraturan-peraturan dan tidak melakukan perbuatan-perbuatan buruk, salah laku atau menyalahi undang-undang sepanjang Perjanjian ini berkuatkuasa termasuklah peraturan-peraturan yang ditetapkan dari semasa ke semasa oleh Yayasan Peneraju, Penyedia Perkhidmatan/Pengurus Program Yayasan Peneraju, Institusi Pensijilan, dan majikan;

- 3.3 Calon perlu menjalani dan menghadiri kesemua kelas-kelas yang dijalankan di bawah Program tersebut, termasuklah aktiviti-aktiviti program Pemupukan dan Pembangunan peserta yang dianjurkan oleh Institusi Pensijilan dan/atau Yayasan Peneraju. Pembiayaan ini akan ditarik balik/ditamatkan sekiranya Calon didapati telah gagal untuk menghadirkan diri di semua kelas-kelas dan aktiviti-aktiviti yang terbabit, kecuali mempunyai sebab-sebab tertentu dan terlebih dahulu dipersetujui secara bertulis oleh Yayasan Peneraju. Dengan itu, pihak Yayasan Peneraju berhak untuk menuntut ganti rugi sepertimana yang terkandung di dalam Perjanjian ini;
- 3.4 Calon tidak boleh terlibat dengan sebarang perbuatan atau melakukan sebarang perkara yang mana boleh mengakibatkan atau mendatangkan cela sama ada secara langsung atau tidak langsung ke atas diri Calon, negara, wakil-wakil atau rakan program bagi pihak Yayasan Peneraju atau pihak Yayasan Peneraju;
- 3.5 Calon tidak boleh melibatkan diri di dalam sebarang aktiviti-aktiviti, atau mengambil bahagian sama ada secara langsung atau tidak, atau menganggotai mana-mana kelab, pertubuhan atau kumpulan atau kemasyarakatan, yang mana pada hemat Yayasan Peneraju tidak mempunyai sebarang kepentingan atau faedah kepada Calon atau tidak sejajar dengan polisi Yayasan Peneraju atau bertentangan dengan kepentingan negara atau pihak Yayasan Peneraju dan seterusnya Calon akan akur dan patuh serta dengan serta-merta menarik diri daripada melibatkan diri atau menganggotai kelab, pertubuhan atau kumpulan atau kemasyarakatan atau sebarang aktiviti yang sedemikian di dalam mana-mana kelab, pertubuhan atau kumpulan atau kemasyarakatan yang tersebut itu;
- 3.6 Calon tidak boleh pada bila-bila masa dalam masa berjalan kuatkuasanya Perjanjian ini, iaitu dalam masa tempoh Program:
- i. mengambil apa jua bahagian di dalam sebarang aktiviti-aktiviti atau dalam sesuatu penghasutan atau tunjuk perasaan, atau membuat apa-apa kenyataan, berbaur dan bersifat politik atau sebaliknya di sesuatu perhimpunan atau di mana-mana tempat oleh apa jua pertubuhan, badan, kumpulan atau kemasyarakatan yang pada pendapat Yayasan Peneraju, adalah memudaratkan kepentingan negara atau Institusi Pensijilan tempat Calon menuntut dan juga Yayasan Peneraju; dan
 - ii. menyediakan, mencetak, membahagi-bahagi atau mengedarkan apa-apa dokumen atau lain-lain bahan, atau mengambil bahagian dengan apa cara sekalipun dalam menyediakan atau mengedarkan sesuatu penghasutan atau tunjuk perasaan berbaur dan bersifat politik atau sebaliknya di mana-mana tempat oleh apa-apa pertubuhan, badan, kumpulan atau kemasyarakatan, iaitu penghasutan atau tunjuk perasaan yang, pada pendapat Yayasan

Peneraju adalah memudaratkan kepentingan negara atau Institusi Pensijilan tempat Calon menuntut dan juga Yayasan Peneraju;

- 3.7 Calon adalah dilarang sama sekali daripada mengguna, membawa, memilik dan menjual dadah dan/atau alkohol sepanjang tempoh latihan dan semasa bertugas; dan
- 3.8 Calon dengan ini sedia maklum dan bersetuju dengan akujanji dengan Yayasan Peneraju bahawa Calon akan akur dan patuh kepada semua peruntukan seperti yang tercatat dalam Perjanjian ini, termasuk dengan perjanjian-perjanjian yang lain yang termeterai dengan Institusi Pensijilan tersebut. Calon juga turut sedia maklum dan bersetuju bahawa sekiranya berlaku sebarang perbuatan yang mengingkari mana-mana syarat-syarat dan terma-terma tersebut akan mengakibatkan Pembiayaan tersebut dan Perjanjian ini dibatalkan. Yayasan Peneraju dengan budi bicaranya secara mutlak berhak menuntut daripada Calon Jumlah Keseluruhan Pembiayaan atau sebahagian jumlah kewangan yang telah disalurkan kepada Calon sama ada dalam bentuk elaun (jika berkenaan) atau sebaliknya dan bersertakan semua bantuan kewangan lain yang telah dibuat atau sebarang gantirugi berkaitan dengan tindakan Calon berhubung dengan Perjanjian ini.

4. TANGGUNGJAWAB PENJAMIN

Sebagai balasan kepada Yayasan Peneraju kerana memberikan Pembiayaan untuk Program tersebut, Penjamin adalah dengan ini berakujanji dan menjamin pembayaran balik oleh Calon akan pembiayaan untuk Program tersebut. Penjamin juga adalah bertanggungjawab kepada pihak Yayasan Peneraju untuk membayar balik jumlah atau nilai pembiayaan pendidikan apabila dituntut akibat daripada kegagalan atau kemungkiran oleh Calon dalam membuat bayaran balik di bawah Perjanjian ini.

5. SKIM PEMBIAYAAN PENDIDIKAN BOLEH UBAH

5.1 Pembiayaan Pendidikan Penuh

Calon yang telah tamat Program adalah layak untuk mendapat pembiayaan pendidikan penuh sepertimana yang tertakluk pada syarat-syarat yang ditetapkan di dalam Seksyen 1 Jadual 3 Perjanjian ini.

5.2 Pembiayaan Pendidikan Separa

Calon yang telah tamat Program adalah layak untuk mendapat pembiayaan pendidikan separa sepertimana yang tertakluk pada syarat-syarat yang ditetapkan di dalam Klausa 6 dan Seksyen 2 Jadual 3 Perjanjian ini.

5.3 Pinjaman Pendidikan

Pembiayaan Pendidikan boleh ubah dipinda menjadi satu pinjaman sepertimana yang tertakluk pada syarat-syarat yang ditetapkan di dalam Klausa 6 dan Seksyen 3 Jadual 3 Perjanjian ini.

6. PEMBAYARAN BALIK

6.1 Bayaran Balik Dan Kaedah Pembayaran

- (a) Calon hendaklah membuat bayaran balik pembiayaan pendidikan mengikut jumlah yang perlu dibayar selepas tamat Program atau setelah Perjanjian ini ditamatkan.
- (a) Calon akan membuat bayaran balik mengikut kaedah yang akan ditentukan oleh Yayasan Peneraju menerusi notis bayaran balik.
- (c) Tempoh untuk bayaran balik jumlah yang perlu dibayar akan ditentukan atas budi bicara mutlak Yayasan Peneraju.

6.2 Tempoh

Tempoh matang bagi pembayaran balik adalah sepertimana yang tertakluk di Jadual 3 Perjanjian ini.

6.3 Faedah

Bagi tujuan pembayaran balik, tiada sebarang kadar faedah akan dikenakan terhadap pembiayaan pendidikan.

7. DEKLARASI ATAU PENGISYTIHARAN

- 7.1 Calon adalah dikehendaki untuk membuat deklarasi atau pengisytiharan status pekerjaan dengan mengemukakan salinan penyata pendapatan/gaji bulanan terkini kepada pihak Yayasan Peneraju atau wakil mereka bagi tujuan pemantauan. Yayasan Peneraju mempunyai hak untuk membuat pemantauan pekerjaan pada bila-bila masa dalam tempoh lima (5) tahun selepas tamat Program bagi mengkaji keberkesanan Program.
- 7.2 Deklarasi atau pengisytiharan harus dibuat melalui kaedah emel atau mengikut kehendak dan juga arahan Yayasan Peneraju di mana Calon dikehendaki

menghantar emel kepada pihak Yayasan Peneraju atau wakil mereka segala butir-butir sepertimana yang disebut di Klausu 7.1.

8. JAMINAN DAN AKUJANJI

8.1 Calon dengan ini menjamin dan berakujaji bahawa:

- (a) Calon mempunyai hak penuh menurut undang-undang dan kuasa untuk memasuki dan mengikat dengan Perjanjian ini untuk melaksanakan segala tanggungjawab di bawah Perjanjian ini dan segala tindakan yang sewajarnya dan yang perlu, telah diambil untuk memberi kuasa pelaksanaan dan penyampaian oleh tanggungjawab Calon di bawah Perjanjian;
- (b) segala maklumat, informasi dan dokumen yang berkaitan yang telah dikongsi dan diserahkan oleh Calon kepada Yayasan Peneraju adalah maklumat, informasi dan dokumen yang sahih, benar dan betul;
- (c) Perjanjian ini merupakan kewajipan undang-undang yang sah dan mengikat pihak Calon selaras dengan terma-terma dan syarat-syarat Perjanjian ini; dan
- (d) tidak ada sebarang perintah mana-mana mahkamah atau lain-lain agensi kerajaan atau mana-mana peruntukan atau perjanjian yang sedia ada yang mengikat pada Calon yang mana ia adalah subjek yang akan dikawal atau melanggar pelaksanaan, penyampaian dan prestasi Perjanjian ini.

8.2 Calon juga berakujaji untuk menanggung dan/atau menggantirugi Yayasan Peneraju dan menjaga sepenuhnya pada bila-bila masa terhadap semua tuntutan, kos atau ganti rugi berbangkit akibat kegagalan Calon mematuhi tanggungjawabnya seperti yang ditetapkan di dalam Perjanjian ini.

9. PENAMATAN DAN PEMBATALAN PERJANJIAN

9.1 Adalah dengan ini dipersetujui dan dimaklumkan bahawa penamatan dan pembatalan perjanjian berlaku apabila Calon melakukan perkara-perkara seperti yang tersebut di bawah:

- (a) menerima pembiayaan pendidikan lain atau sebarang bentuk bantuan kewangan daripada mana-mana sumber sekalipun sepanjang Perjanjian ini berkuatkuasa tanpa kebenaran daripada Yayasan Peneraju; atau
- (b) meninggalkan Program tersebut sebelum menamatkan kursus Pensijilan dengan jayanya dan tanpa kebenaran secara bertulis daripada Yayasan Peneraju terlebih dahulu; atau

- (c) membuat pertukaran pada kursus Pensijilan dan/atau Institusi Pensijilan sepanjang Tempoh Program, tanpa persetujuan bertulis daripada Yayasan Peneraju; atau
- (d) gagal untuk melunaskan sebarang pembayaran kepada mana-mana pihak seperti yang telah diperuntukkan kepada Calon sehingga Calon dibatalkan atau ditamatkan dari kursus Pensijilan; atau
- (e) di dalam pendapat Yayasan Peneraju, salah laku Calon sendiri telah menyebabkan Calon tidak sesuai meneruskan Program tersebut; atau
- (f) dikenakan tindakan tata tertib, melanggar mana-mana syarat dan terma atau gagal melaksanakan sebarang tanggungjawab Calon seperti yang termaktub di dalam Perjanjian ini;

Oleh itu, sekiranya berlaku mana-mana perkara seperti yang tersebut di atas, Yayasan Peneraju berhak menamat dan membatalkan Perjanjian ini dengan serta merta. Pihak Yayasan Peneraju dengan budi bicaranya secara mutlak berhak menuntut daripada Calon semua atau sebahagian jumlah kewangan yang telah disalurkan kepada Calon sama ada dalam bentuk elaun atau sebaliknya dan bersertakan semua bantuan kewangan lain yang telah dibuat atau sebarang gantirugi yang berlaku berkaitan dengan tindakan Calon berhubung dengan Perjanjian ini.

- 9.2 Sehubungan itu, pihak Calon adalah dipertanggungjawabkan ke atas diri mereka, wakil guaman dan/atau wasi, untuk urusan pentadbiran atau membuat pembayaran balik kepada pihak Yayasan Peneraju sebaik diarahkan secara bertulis untuk berbuat demikian, jumlah kewangan yang telah disalurkan kepada Calon sama ada dalam bentuk elaun atau sebaliknya dan bersertakan semua bantuan kewangan lain yang telah dibuat atau sebarang gantirugi yang berlaku berkaitan dengan tindakan Calon berhubung dengan Perjanjian ini.
- 9.3 Sebarang rayuan tidak akan dipertimbangkan sekiranya Calon gagal memenuhi atau mematuhi mana-mana satu syarat dan peraturan yang dinyatakan di dalam Perjanjian ini.

10. BENTUK TERIKAT

Dengan itu, Perjanjian yang dimeterai ini adalah tanda ikatan pihak-pihak terlibat seperti yang telah dinyatakan dan juga ke atas wasi, pentadbir, wakil guaman dan lantikan lain.

11. KEBOLEHASINGAN

Sekiranya berlaku mana-mana terma, akujanji atau syarat dan terma-terma yang terkandung di dalam Perjanjian ini yang merangkumi mana-mana pihak atau sebarang keadaan yang boleh membawa akibat terbatal atau tidak dapat berkuatkuasa, namun terma akujanji atau syarat yang lain itu adalah tidak tergugat, seterusnya terma akujanji atau syarat yang lain di dalam Perjanjian ini adalah sah dan berkuatkuasa menurut undang-undang.

12. NOTIS

12.1 Sebarang notis, kenyataan, tuntutan atau komunikasi yang perlu diberikan di bawah Perjanjian ini mestilah secara bertulis dan mestilah disampaikan secara sendiri atau dihantar melalui pos berdaftar atau emel kepada alamat (atau alamat lain yang diberikan notis oleh satu Pihak selaras dengan Klausula ini) seperti yang dinyatakan di bawah.

12.2 Sebarang notis, kenyataan, tuntutan atau komunikasi menurut Klausula ini akan dianggap telah dilakukan betul dan baik dan diterima oleh penerima yang dimaksudkan dalam hal perkhidmatan melalui:

- (a) penghantaran sendiri atau pos berdaftar – sewaktu menghantar; dan
- (b) emel – sewaktu pengesahan penerimaan secara elektronik dan/atau sewaktu pengesahan penghantaran secara elektronik untuk emel tersebut.

12.3 Mana-mana Pihak boleh menukar alamat surat menyurat penerimaan notis, kenyataan, tuntutan atau komunikasi pada bila-bila masa dengan memberi notis bertulis pertukaran alamat tersebut itu kepada Pihak yang lain selaras dengan peruntukan menurut Klausula ini.

13. BIDANG KUASA YAYASAN PENERAJU

Yayasan Peneraju adalah berkuasa penuh untuk mengubah dan meminda syarat-syarat dan peraturan dan/atau menambah apa-apa garis panduan, peraturan dan/atau polisi yang berkaitan dengan Program tersebut pada bila-bila masa tanpa perlu memaklumkan kepada Calon dan Calon bersetuju untuk mematuhi apa-apa perubahan atau pindaan yang dibuat.

14. KERAHSIAAN

14.1 Semua maklumat yang diperolehi, disampaikan dan dicadangkan kepada Calon sepanjang tempoh Program tersebut termasuk Perjanjian ini adalah sulit dan

tidak boleh disampaikan dan/atau dinyatakan oleh Calon kepada mana-mana pihak tanpa pengetahuan Yayasan Peneraju. Calon juga dengan ini bersetuju membenarkan Yayasan Peneraju untuk menggunakan maklumat peribadi yang telah diberikan bagi tujuan apa-apa aktiviti-aktiviti yang berkaitan dengan Program tersebut;

14.2 Calon juga memahami bahawa Perjanjian ini adalah tertakluk kepada Akta Perlindungan Data Peribadi 2010 dan juga semua akta-akta dan undang-undang yang berkaitan.

15. MASA ADALAH INTIPATI

Masa sekiranya dinyatakan di dalam Perjanjian ini adalah penting dan menjadi intipati kepada Perjanjian ini.

16. PENTADBIRAN UNDANG-UNDANG

Perjanjian ini akan ditadbir oleh dan ditafsirkan selaras dengan undang-undang Malaysia.

17. KESELURUHAN PERJANJIAN

Adalah dengan ini dipersetujui dan diakui bahawa Perjanjian ini dan Jadual kepada Perjanjian ini dan apa-apa tambahan atau pindaan kepadanya hendaklah dibaca bersama dan menjadi sebahagian daripada Perjanjian ini.

(Bahagian lebih muka surat ini sengaja dibiarkan kosong)

PADA MENYAKSIKAN HAL-HAL DI ATAS, pihak yang tersebut dalam Perjanjian ini telah menurunkan di sini tandatangan dan meterai mereka pada haribulan dan tahun yang mula-mula tertulis di atas:

CALON DAN PENJAMIN

DITANDATANGANI OLEH

Calon

.....

Nama:

No. Kad Pengenalan:

DITANDATANGANI OLEH

Penjamin

.....

Nama:

No. Kad Pengenalan:

disaksikan oleh:

.....

Nama :

Jawatan :

YAYASAN PENERAJU

DITANDATANGANI OLEH

**bagi dan wakil kepada pihak
Yayasan Peneraju**

.....

Nama :

Jawatan :

disaksikan oleh:

.....

Nama :

Jawatan :

JADUAL 1

(yang perlu dibaca dan dianggap sebagai intipati kepada Perjanjian ini)

Seksyen 1: Butir-Butir Peribadi Calon

Nama :

No. Kad Pengenalan :

Alamat :

Seksyen 2: Butir-Butir Peribadi Penjamin

Nama :

No. Kad Pengenalan :

Alamat :

Hubungan dengan
Calon :

JADUAL 2

Surat Tawaran

(yang perlu dibaca dan dianggap sebagai intipati kepada Perjanjian ini)

JADUAL 3**Syarat-Syarat dan Kelayakan Untuk Pembiayaan Pendidikan, Nilai Bayaran Balik serta Tempoh Bayaran Balik**

(yang perlu dibaca dan dianggap sebagai intipati kepada Perjanjian ini)

PROGRAM: PENERAJU PROFESIONAL		
SEKSYEN	PERKARA & BUTIR-BUTIR	
1	SKIM PEMBIAYAAN: PEMBIAYAAN PENDIDIKAN PENUH	
	Syarat – Syarat Dan Kelayakan Untuk Pembiayaan Pendidikan Penuh :	i. Lulus dan tamat pengajian program dalam masa yang ditetapkan; dan ii. Lulus semua peperiksaan dalam satu (1) kali percubaan.
	Nilai Pembayaran Balik	Dikecualikan.
	Tempoh Bayaran Balik	Dikecualikan.
2	SKIM PEMBIAYAAN: PEMBIAYAAN SEPARA	
	Syarat-Syarat Dan Kelayakan Untuk Pembiayaan Pendidikan Separa:	i. Lulus dan tamat pengajian program dalam masa yang ditetapkan; dan ii. Lulus semua peperiksaan melebihi daripada satu (1) kali percubaan.
	Nilai Pembayaran Balik	20% daripada jumlah atau nilai pembiayaan pendidikan dan dibayar secara penuh.
	Tempoh Bayaran Balik	Bermula tiga (3) bulan dari tarikh penamatan pengajian program atau pelanggaran perjanjian ini (mana-mana yang terdahulu).
3	SKIM PEMBIAYAAN: PINJAMAN PENDIDIKAN	
	Pembiayaan pendidikan boleh ubah kepada/menjadi pinjaman jika perkara-perkara berikut timbul/terjadi/berbangkit:	i. Pelanggaran perjanjian; atau ii. Tamat pengajian program melebihi tempoh masa yang ditetapkan; atau
	Nilai Pembayaran Balik	Jumlah atau nilai pembiayaan pendidikan dan dibayar secara penuh.
	Tempoh Bayaran Balik	Bermula tiga (3) bulan dari tarikh penamatan pengajian program atau pelanggaran perjanjian ini (mana-mana yang terdahulu).